

## Leuterschacher Heimatlied

1. Wo's Allgäu a'fangt bucklig z' weare,  
am Sträßle nauf nach Nesselwang  
do bin i für mei Leabe geara  
do mecht i sei mei Lebtag lang.

Refr. Du Heimatdorf im Herz vom Allgäu  
wia bin i z'friede mit mei'r Wahl  
du bisch mir s' liabschte Erdeflecke  
mei Leuterschach im Wertachtal.

2. Gohsch't auf der Hollesea spaziere  
siehscht all die Berg und weit ins Land  
da doba tut die neamand hiera  
weil do bloß rechte Leutla gand.

Refr. Du Heimatdorf im Herz vom Allgäu  
wia bin i z'friede mit mei'r Wahl  
du bisch mir s' liabschte Erdeflecke  
mei Leuterschach im Wertachtal.

3. Wohl hot's mi o in d' Welt naustriebe  
hau reise wölla scho als Kind  
doch bin i treu dir allat bliebe  
da dussa goht a kehlar Wind.

Refr. Du Heimatdorf im Herz vom Allgäu  
wia bin i z'friede mit mei'r Wahl  
du bisch mir s' liabschte Erdeflecke  
mei Leuterschach im Wertachtal.

4. Wo d' Lobach duat und d' Wertach rausche  
und d' Mensche sind it gar so fei  
des Dörfle möcht i it vertausche  
do möcht i o begrabe sei.

Refr. Du Heimatdorf im Herz vom Allgäu  
dich grüß' ich dann zum letzten Mal  
du warscht mir s' liabschte Erdeflecke  
mei Leuterschach im Wertachtal.